

Schnitzelbänke Rotary-Meeting 07. März 2011

Firirulla, dirulla, dirulla.....

Wiär si di Stägmuggä und gfreiwä isch sehr
Hina hiä z'singu ischt isch än Ehr
Tiä eiw värzellu va ganz chleinä Gschichtu
Über einä oder du andrä wellä wir eppis brichtu.

Firirulla, dirulla, dirulla.....

Där Governor het nur lobundi Wort
Ganz ubärschwänglich fahrt är de fort
Männär iär sit fär alls kapabil
Ja där Rotary Brig ischt eifach formidable.

Firirulla, dirulla, dirulla.....

Im Simplon hei wiär keis Meeting chännu ha
Will där Fredy d'Angschtelltu in d'Feriä he la ga
Där Nachbür im Du Pont springt churzärhand i
Fredy mach das nit zär Gwoheit, suscht is mim Stammlokal värbi.

Firirulla, dirulla, dirulla.....

Där Werlen Reto het ä raschä Uftritt
Na einum Jahr scho git är där Ustritt
Het nu ächt schinä Getti zwenig instruiärt
Und mu nit gseit, däss är mit wenig Presänzi brilliärt.

Firirulla, dirulla, dirulla.....

Z'churzuscht Meeting fa allä Zitu
Dum Mario pressiärts, är lüägt nit uf z'Situ
Vor dum Theatär, het är nit värseit
Und nu mindeschtens 15 Zitati vorgitreit.

Firirulla, dirulla, dirulla.....

Z'Intärclubmeeting uf där Alpu Devero
Än Üsflug vom feinschtu, ja das ischt äso
Ä Karieru als Volkssängär startut där Valliese Carlo
Z'Hansruedi chännti wirklich no nidisch cho.

Firirulla, dirulla, dirulla.....

Deguschtiäru, diniäru und referiäru
Diskutiäru, grilliäru und debattiäru
D'Mitglieder vam Rotary bherrschant no vill meh
Abär sältu ämal disloziäru, mit schmale Brättär ufu Schnee.

Firirulla, dirulla, dirulla.....

Im Müsiggschäft stellt d'Sina ira Ma
Schi ischt eifach supär, ja das müäss mu dra la
Im Rotary-Forum, deichunt alli was ischt das bloss
Ischt ächt jez där Wolf widär los

Firirulla, dirulla, dirulla.....

Ungiägundi Presänz vom Tourismusdirektor
Ach liäbä Urs mach där doch nix vor
Dinu Üftrita im WB sind sichär schön fär Dich
Git aber im im Rotary leidär kei Strich.

Firirulla, dirulla, dirulla.....

D'Üfnahmekommission hät än eigundi Strategie
Neumitglieder zwärbu, ja da sinsch därbi
Där Lehner Richard seit, jez müäss alls ga wiä im Flug
Und gratut därbi gottlos in Värzug.

Firirulla, dirulla, dirulla.....

Inär Garage Rottu müascht därmit rächnu
Went z'Auto bringscht, müascht ä hufa blächu
Där Grund därfir, der kännä wiär nit
Verrächtnat ächt där Heinz no vanä Rotary-Meetings die Zit.

Firirulla, dirulla, dirulla.....

Där Alois, där Donat und där Renéeééé
Schi wandrunt im Summär und öi im Schnee
Bärga värsetzu das wünschunt schi schich sehr
Und därbi ischt nä äsiä, där Rucksack scho tschwer.

Firirulla, dirulla, dirulla.....

Där Präsi ischt mit dä Innärwheelärinnä ganz nett
Är het ja sälbär die Präsidänti im Bett
Das ischt de z'Maximum, wa schich d'Männär diänt vorstellu
Schi wellunt im Club kei Fröiwä - di Rotariär Gsellu.

Firirulla, dirulla, dirulla.....

Willt ä Strich, de müascht neuärdings
Anu Kartuläsär mummu das brings
D'Eltri Gardu hent Miä mit dem neumodischu Zig
Abär äs ischt halt jez, äso im Rotary Z'Brig.

Firirulla, dirulla, dirulla.....

Där Bortär Viktor brilliärt mit güätär Presänz
Fär 100 Prozänt chunt är scho bald in d'Kränz
Wiär wissä jetz warum är so flissig chunt
Däss är dä ja alli Zitatativ am Präsidänt mitvärchunt.

Firirulla, dirulla, dirulla.....

Där Sekretär Urs stellt alli inu Schattu
Het kei Papierkrieg müäss nit dari wattu
Am PC ischt är äs Supär - *Genie*
Äso hüffu Papier, das müäss doch nit sii.

Firirulla, dirulla, dirulla.....

Där Marcus Marienfeld - äs Organisationstalänt
Bringt z'Rotary Forum immär zumä güätu Änd
Het är scho Ambitionä - fär z'WEF z'Davos
Odär ischt mu ächt das nu grad äs bitzji z'gross.

Firirulla, dirulla, dirulla.....

Vanärä Paradieschu Kindheit värzellt där Pius mit Fantasie
Im Tal der Täler ufzwagsu si z'greschta gsi
Ohni Facebook und Youtube hei är schöni Zitä kha
Abär Schgifahru ohni Kunschtschnee chamu öi z'Letschu nit ha.

Firirulla, dirulla, dirulla.....

Fascht jedäs Meeting macht är mit
Där Hermann Zurbriggu är ischt där Hit
Vil Glick und Schwein het är derfu ärfahru
Wiär winschi im alls Güäta in ä negschtu Jahru.

Firirulla, dirulla, dirulla.....

Wer schich bis jetz nit agschbrochu fühlt
Ist eintwädär äs güäts Mitglied oder tüät kei tüt
Wiär singä fär alli machä kei Unnärschied
Wünschä ä schönä Abu und allä ä güäti Zit.

Firirulla, dirulla, dirulla.....